

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 123. stav (3) i 131. stav (1) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i člana 4. stav (1) tačka i) Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", broj 39/08, 19/11, 45/15 i 33/21), Vlada Kantona Sarajevo, na 74. sjednici održanoj 14.04.2022. godine, donijela je

**UREDBU
O IZMJENAMA I DOPUNAMA UREDBE O
ORGANIZOVANJU SLUŽBI ZAŠTITE I SPAŠAVANJA I
JEDINICA CIVILNE ZAŠTITE SPECIJALIZOVANE
NAMJENE KANTONA SARAJEVO****Član 1.**

(Dopuna člana 5.)

U Uredbi o organizovanju službi zaštite i spašavanja i jedinica civilne zaštite specijalizovane namjene Kantona Sarajevo ("Službene novine Kantona Sarajevo", broj 30/13, 29/19, 15/20 i 22/20) u članu 5. tačka g) iza riječi: "Gorske službe spašavanja, stanice Sarajevo", briše se i interpunkcijski znak "zarez" i dodaju riječi: "i Gorske službe spašavanja Kantona Sarajevo".

Član 2.

(Izmjene i dopune člana 6.)

(1) U članu 6. stav (5) se mijenja i glasi:

"(5) Služba za zaštitu od požara u šumama sa ljudstvom i odgovarajućom opremom za gašenje požara u šumama, vrši operativne mjere zaštite i spašavanja koje se prvenstveno odnose na zaštitu šuma (održavanje šumskih projekta i infrastrukture, provođenje i drugih preventivnih mjera u šumama, zbog kojih mogu nastati i druge prirodne nesreće) održavanje objekata i druge imovine od požara na pogodenom području i to operativne mjere u fazi spašavanja i fazi otklanjanja posljedica propisane članom 20. Pravilnika o organizovanju službi zaštite i spašavanja i jedinica civilne zaštite, njihovim poslovima i načinu rada ("Službene novine Federacije BiH", broj 77/06 - u daljem tekstu: Pravilnik o organizovanju službi zaštite i spašavanja i jedinica)".

(2) U stavu (6) iza riječi: "jedinica" interpunkcijski znak "zarez", zamjenjuje se interpunkcijskim znakom "tačka", a riječi: "te druge poslove za koje su osposobljeni u cilju zaštite i spašavanja ljudi i materijalnih dobara", brišu se. Na kraju teksta dodaje se nova rečenica koja glasi: "U skladu sa stručnim, kadrovskim i materijalno tehničkim mogućnostima Služba za vodosнabdijevanje učestvuje u provođenju mjera na spašavanju ljudi i materijalnih dobara od prirodnih i drugih nesreća i otklanjanju posljedica (poplava klizišta, odrona, zemljotresa i dr.).".

(3) U stavu (8) riječi: "pomoću hidrauličnih auto-dizalica obavlja poslove na visinama (hitne intervencije uklanjanja snijega i ledenica i drugog materijala sa oštećenih krovova objekata)", zamjenjuju se riječima: "sa raspoloživim ljudstvom i odgovarajućom mehanizacijom i opremom Služba za sjeću i uklanjanje oštećenih stabala sa zelenih površina i saobraćajnica angažuje se i na provođenju

hitnih mјera na uklanjanju snijega i ledenica i drugog materijala sa oštećenih krovova objekata, kao i na spašavanju ljudi i materijalnih dobara od drugih prirodnih i drugih nesreća i otklanjanju posljedica u skladu sa stručnim, kadrovskim i materijalno tehničkim mogućnostima.".

- (4) U stavu (10) na kraju teksta dodaje se nova rečenica koja glasi: "U toku nastanka prirodne i druge nesreće, Služba za zaštitu, spašavanje iz ruševina i raščišćavanje angažuje se i na provođenju hitnih mјera na sprječavanju i umanjenju opasnosti od poplava, spašavanju ljudi i materijalnih dobara od prirodnih nesreća i na otklanjanju posljedica u skladu sa stručnim, kadrovskim i materijalno tehničkim mogućnostima.".

Član 3.

(Stupanje na snagu)

Ova Uredba stupa na snagu narednog dana od dana objavlјivanja u "Službenim novinama Kantona Sarajevo".

Broj 02-04-15900-20/22

Po ovlaštenju premijera

14. aprila 2022. godine

Ministar

Sarajevo

Samir Avdić, s. r.